

CONVENIO DE COLABORACIÓN EMPRESARIAL ENTRE O CONCELLO DE CERCEDA E A SOCIEDADE GALEGA DO MEDIO AMBIENTE, PARA O DESENVOLVEMENTO DE ACTIVIDADES DE INTERÉS XERAL

MEMORIA XUSTIFICATIVA

O Presidente da Sociedade Galega do Medio Ambiente, S.A.

DECLARA:

Que esta Sociedade ten previsto formalizar co Concello de Cerceda o instrumento convencional arriba referido con efectos dende a súa firma ata o 31 de decembro de 2028.

Antecedentes

Que a Sociedade Galega do Medio Ambiente, empresa pública adscrita na actualidade á Consellería de Medio Ambiente e Cambio Climático da Xunta de Galicia, que ten encomendada a xestión institucional dos residuos urbanos dos Concellos de Galicia que decidan xestionar os seus residuos a través desta sociedade, que ten a implantación das súas instalacións principais de tratamento no Concello de Cerceda, integradas polo Complexo Medioambiental de Cerceda e o vertedoiro de Areosa.

Que ambas entidades públicas mantiveron desde fai anos diferentes convenios de colaboración que permitiron, por unha parte o completo desenvolvemento e funcionamento das instalacións que forman o núcleo principal do sistema institucional de xestión de Residuos Urbanos impulsado pola Xunta de Galicia para ofrecer unha solución integral ao resto de entidades locais da Comunidade e por outra parte permitiron o desenvolvemento de múltiples actuacións e actividades que favoreceron e favorecen o desenvolvemento en diferentes ámbitos do Concello que acolleu estas instalacións, así como o dos seus veciños.

Dita colaboración, plasmada nos convenios precedentes, han dado resultados moi positivos, sendo de especial relevancia o crecemento dos parques industriais como o de o Acevedo, onde agora radican importantes empresas de marcado carácter medioambiental, tendo ademais unha particularidade única ao convivir co parque acuático máis grande de Galicia de titularidade municipal e con xardín botánico,



aunando nunha mesma área, instalacións industriais, de ocio e medioambientais permitindo un desenvolvemento industrial e social moi importante do Concello.

Todo isto permitiu ao Concello situarse como un dos concellos con maior renda per cápita de Galicia sendo un concello de carácter eminentemente rural, polo que polo que se xustifica completamente a continuidade da colaboración entre ambas entidades.

Finalidade e Obxecto do Convenio

O obxecto deste convenio a promoción da sostibilidade ambiental do concello de Cerceda, de conformidade coas orientacións ditadas pola Consellería de Medio Ambiente e Cambio Climático da Xunta de Galicia, así como o desenvolvemento sostible, tanto a nivel económico como social. É tamén obxecto do convenio a colaboración entre as partes para o desenvolvemento axeitado das actividades de xestión de residuos que realiza Sogama, así como establecer os mecanismos de compensación ao Concello de Cerceda polas posibles molestias que a actividade industrial poida orixinar.

Para a consecución do obxecto as actuacións principais a desenvolver son as seguintes:

- Apoio, intercambio de información e promoción de iniciativas que contribúan á mellora da contorna natural do concello, optimizando os seus recursos e favorecendo a mellora da calidade de vida de todos os seus habitantes.
Para elo, mediante este convenio seguirase contribuíndo ao financiamento do mantemento e operación das instalacións de marcado carácter social, cultural e medioambiental, seguintes: xardín botánico, paseos fluviais, áreas recreativas (algunha das cales era un vertedoiro incontrolado), xardíns municipais, aula da natureza, rutas de senderismo, depuradoras de residuais, instalación de enerxías alternativas, ecomuseo, museo do moucho e museo da minería.
- Potenciación da educación, concienciación e sensibilización da cidadanía na protección do medio ambiente e a adopción de boas prácticas ambientais e saudables, mediante a financiación de actividades deportivas e culturais que se



- promovan polo Concello, o sistema de autocompostaxe ou compostaxe doméstica, co fin de que os habitantes poidan fabricar o seu propio compost a partir da fracción orgánica dos residuos e biomasa das súas explotacións agrícolas, podendo aproveitarse de novo en hortas, xardíns e labores do campo
- Apoio ao desenvolvemento industrial, económico e Social do Concello mediante o financiamento do mantemento do viveiro de empresas, oficinas de emprego e desenvolvemento e posta en marcha de proxectos de innovación tecnolóxica ambiental.
 - Plan de inspeccións periódicas polos técnicos do Concello as instalacións do vertedoiro de Areosa, por ser o vertedoiro de Areosa o máis sensible dende o punto de vista ambiental. Para dito fin, o Concello terá acceso permanente a esta instalación a fin de realizar un control e inspeccións periódicas por técnicos do Concello, co previo aviso aos responsables da Sociedade Galega do Medio Ambiente cunha hora de antelación, ao obxecto de cumprir cos requisitos de seguridade para o persoal alleo ás instalacións.
 - Axilización dos trámites administrativos necesarios para a consecución dos permisos e licencias necesarias para a ampliación das instalacións de Sogama, especialmente da nova planta de clasificación e recuperación de residuos téxtiles, habida conta dos prazos limitados para executar as obras establecidos polo programa MRR.

Fundamentación do instrumento convencional:

Ademais do contido nos antecedentes anteriormente expostos, a sinatura do convenio fundaméntase na necesidade compartida de manter un axeitado clima de harmonía, necesario para que sigan convivindo de forma axeitada as instalacións industriais complexas que conforman a actividade de SOGAMA, nun municipio de carácter eminentemente rural, entendendo ambas partes que o desenvolvemento sostible, tanto económico, social e medioambiental do Concello deben ir parello, sendo este o obxectivo principal deste Convenio.

Para isto SOGAMA entende que debe seguir aportando recursos ao seu alcance como cooperación para a mellora da contorna natural e social do municipio, favorecendo o seu



crecemento económico, a xeración de riqueza e emprego estable, contribuíndo a mellorar a calidade de vida de todos os seus habitantes. En definitiva, que Cerceda, como concello que acolleu e acolle as instalacións principais do sistema de Xestión Institucional de Residuos Urbanos promovido pola Xunta de Galicia, siga sendo tamén referente autonómico e exemplo de desenvolvemento industrial sostible e de boas prácticas ambientais. Todo o anterior, xustifica e fundamenta sobradamente o marcado interese público, social e económico que ten e persigue a formalización do convenio.

Por último, o convenio enmárcase nas actividades da responsabilidade social da Sociedade Galega do Medio Ambiente, sendo o negocio xurídico privado, instrumentado mediante un convenio de colaboración empresarial en actividades de interese xeral de mecenado, regulado polo artigo 25 da Lei 49/2002 de Réxime Fiscal das Entidades sen Fins de Lucro e dos incentivos ao Mecenado.

O convenio de colaboración supón obrigas económicas para SOGAMA, cunha achega económica máxima de 2.550.000 euros, con cargo aos seus orzamentos, e dividida nas seguintes anualidades e importes:

- Año 2025: 600.000
- Año 2026: 625.000
- Año 2027: 650.000
- Año 2028: 675.000

Ao superarse a contía establecida na Disposición adicional segunda da Lei 1/2016, de 18 de xaneiro, de Transparencia e bo Goberno, de conformidade coa mesma, é precisa a autorización previa do Consello da Xunta

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, de 8 de novembro, de Contratos do Sector Público ao tratarse dun convenio de colaboración de conformidade co establecido no artigo 6º de dita norma, sen prexuízo de que, da acordo co previsto no seu artigo 4º, lle sexan de





aplicación os principios desta Lei para resolver as dúbidas e lagoas que puidesen presentarse.

Javier Domínguez Lino
Presidente

